


日安子春秋

五之八



肆



			五	漢
	一	四	一	書
	二	八	二	門
冊	架	函	號	類

庫文閣內			
六	五		漢
七	一		書
函	二		門
架	冊	號	類

內閣文庫	
番號	漢 5124
冊數	2 ( 2 )
函號	287 86





晏子春秋內篇雜上第五

九三十一章

淺草文庫



莊公不悅晏子晏子坐地訟公而歸第一

莊公不用晏子致邑而退後有霍氏之難

第二

崔慶劫齊將軍大夫盟晏子不與第三

晏子再治阿而信見景公任以國政第四

景公惡故人晏子退國亂復召晏子第五

齊饑晏子因路之役召振民第六

景公欲墮東門之堤晏子謂不可變古第七

信見倒

本

七

景公憐饑者晏子稱治國之末曰長其意

第八

景公探雀穀穀弱反之晏子稱長幼曰賀

第九

景公睹乞兒於塗晏子諷公使養第十

景公慙剛疏之辱不朝晏子稱直請賞之

第十一

景公夜從晏子飲晏子稱不敢與第十二

子

以

景公使進食與裘晏子對曰社稷臣第十

三

晏子飲景公正家老斂欲與民共樂第十

四

晏子飲景公酒呼具火晏子稱詩以辭第十

十五

晉欲攻齊使人往觀晏子呂禮侍而折其

謀第十六

景公向東門襄澤年穀而對以水晏子請

無

公

罷伐魯第十七

景公使晏子予魯地而魯使不盡受第十

八

景公游紀得金 中書晏子因以諷之第

十九

景公贖魯昭公去國而自悔晏子謂無及

已第二十

晏子使魯布事已仲尼以為知禮第二十

一

晏子之魯進食有豚云二肩不求其人第

二十

曾子將行晏子送之而贈曰善言第二十

三

晏子之晉睹齊纍越石父解左驂贖之與

歸第二十四

晏子之御感妻言而自抑相晏子薦以為

大夫第二十五

泯子午見晏子晏子恨不盡其意第二十

薛

晏子之北郭騷米以養母騷殺身曰明道

晏子之賢第二十七

景公欲見高紕晏子辭以祿仕之臣第二

十八

高紕治晏子家不得其俗乃逐人第二

九

晏子居喪遜會家老仲尼善之第三十

莊公不悅晏子晏子坐地訟公而歸第一

晏子臣於莊公公不悅飲酒令召晏子晏子至

入門公令樂人奏歌曰已哉已哉寡人不能說

也爾何來為晏子入坐樂人三奏然後知其謂

已也遂起北面坐地公曰夫子從席曷為坐地

晏子對曰嬰聞訟夫坐地今嬰將與君訟敢毋

坐地乎嬰聞之衆而喪義殫而喪禮好勇而惡

賢者禍必及其身若公者之謂矣且嬰言不用

願請身去遂趨而歸管籥其家者納之公財在

外者斥之市曰君子有力於民則進爵祿不辭  
責富無力於民而旅食不惡貧賤遂徒行而東  
畊於海濱居數年杲有崔杼之難

莊公不用晏子致邑而退後有崔氏之禍第

二

晏子為莊公臣言大用每朝賜爵益邑俄而不  
用每朝致邑與爵爵邑盡退朝而乘噴然而歎  
終而笑其僕曰何歎笑相從歎也晏子曰吾嘆  
也哀吾君不免於難吾笑也喜吾自得也吾亦

致

無死矣崔杼杲弑莊公晏子立崔杼之門從者  
曰死乎晏子曰獨吾君也乎哉吾死也曰行乎  
曰獨吾罪也乎哉吾亡乎曰歸乎曰吾君死安  
歸君民者豈以陵民社稷是主臣君者豈為其  
口實社稷是養故君為社稷死則死之為社稷  
亡則亡之若君為己死而為己亡非其私軀孰  
能任之且人有君而弑之吾焉得死之而焉得  
亡之將庸何歸門啓而入崔子曰子何不死子  
何不死晏子曰禍始吾不在也禍終吾不知也

足

吾何為死且吾聞之曰己為行者不足以存君以死為義者不定君立功嬰豈其婢子也故其縊而從之也遂袒免坐枕君尸而哭與三踊而出人謂崔子必殺之崔子曰民之望也舍之得民

崔慶劫齊將軍大夫盟晏子不與第三崔杼既弑莊公而立景公杼與慶封相之劫諸將軍大夫及顯士慶入於大宮之坎上令無得不盟者為壇三仞指其下以甲子引環其內外

列

者

曰

曰

與

及

盟寺皆脫劍而入維晏子不冒崔杼許之有敵不盟者戟抽其頸劍承其心令自盟曰不與崔慶而與公室者受其不祥言不疾指不至血者死所殺七人次及晏子晏子奉栝血仰天嘆曰嗚呼崔子為無道而弑其君不無公室而無崔慶者受此不祥俛而飲血崔杼謂晏子曰子變子言則齊國吾與子共之子不變子言敵既在臆劍既在心維子圖之也晏子曰劫吾君而失其志非勇也曰吾呂利而信其君非義也崔

條

子子獨不為天討乎詩云莫莫葛藟施於松柏  
愷悌君子求福不同今嬰且可以回而求福乎  
曲及鉤之直兵推之舉不辜矣崔杼將殺之或  
曰不可子以子之君無道而殺之今其臣有道  
之士也又從而殺之不可以為教矣崔子遂舍  
之晏子曰若大夫為大不仁而為小仁焉有中  
乎趨出投繯而乘其僕持馳晏子撫其手曰徐  
之疾不必生徐不必死鹿生於野命無于厨嬰  
今有繫矣毋之成節而後去詩云彼己之子舍

縣

命不渝晏子之謂也

晏子再治阿而信見景公任以國政第四

東  
謝復

其

否

景公使晏子為東阿宰三年毀聞於國景公不  
說召而免之晏子謝曰嬰知嬰之過矣請復治  
阿三年而譽必聞於國景公不忍復使治阿三  
年而譽聞於國景公說召而賞之景公問其故  
對曰昔者嬰之治阿也築蹊徑急門閭之政而  
淫民惡之舉儉力孝弟罰偷竄而惜民惡之決  
獄不避貴強惡之左右所求法則予非濫則有



聞 儉 之 當

而左右惡之、事貴人體不過禮、而貴人惡之、是  
曰三邪毀乎外、二讒毀于內、三年而毀、則乎君  
也、今臣謹更之、不築蹊徑、而緩門閭之政、而准  
民說、不舉偷力孝弟、不罰偷竄、而惜民說、決獄  
阿貴強、而責彊說、左右所求、言諾、而左右說、事  
貴人體過禮、而貴人說、是三邪譽乎外、二讒譽  
乎內、三年而譽、聞于君也、昔者嬰云、所以當誅  
者宜賞、今所曰常賞者宜誅、是故不敢受、景公  
知晏子賢、迺任以國政、三年而齊大興、

景公惡、故人晏子退、國亂、復召晏子、第五  
景公與晏子立于曲潢之上、晏子稱曰、夜莫若  
新人、莫若故、公曰、衣之新也、信善矣、人之故相  
知情、晏子歸、負勸使人辭于公曰、嬰故、老耄無  
能也、請毋服壯者之事、公自洽國、身弱於高國、  
百姓大亂、公恐、復召晏子、諸侯忌其威、而高國  
服其政、田疇墾辟、蠶桑黍菽之處、不足、絲蠶於  
燕、牧馬于魯、共貢入朝、墨子聞之曰、晏子知道、  
景公知寤矣、

蠶

齊餓晏子因路寢之役呂振民第六

景公之時餓晏子請為民發粟公不許當為路  
寢之臺晏子令吏重其負遠其地徐其日而不  
趨三年臺成而民振故上悅乎游民足乎食君  
子曰政則晏子欲發粟與民而已若使不可得  
則依物而偶於政

景公欲墮東門之垣晏子謂不可變古第七  
景公登東門防民單服然後上公曰此大傷牛  
馬蹄矣夫何不下六尺哉晏子對曰昔者吾先

君植公明君也而管仲賢相也夫以賢相位明  
君而東門防全也古者不為殆有為也蚤歲溜  
水至入廣門即下六尺耳鄉者防下六尺則無  
齊矣夫古之重變古常此之謂也

景公憐餓者晏子稱治國之本呂長其意第八

景公遊於壽宮睹長年負薪者而有餓色公悲  
之喟然歎曰令吏養之晏子曰臣聞之樂賢而  
哀不肖守國之本也今君愛老而恩無所不逮

焉

治國之本也。公笑有喜色。晏子曰：聖王見賢以  
樂賢，見不肖以哀，不肖今請求老弱之不養，餼  
寡之無室者，論而共秩焉。公曰：諾。于是老弱有  
養，餼寡有室。

景公探雀殼，殼弱，反之。晏子稱長幼曰：賀第

九

景公探雀殼，殼弱，反之。晏子聞之，不待時而入。  
見景公，公汗出惕然。晏子曰：君何為者也？公曰：  
吾探雀殼，殼弱，故反之。晏子逡巡北面再拜而

汗

賀曰：吾君有聖王之道矣。公曰：寡人探雀殼，殼  
弱，故反之，其當聖人之道者何也？晏子對曰：君  
探雀殼，殼弱，反之，是長幼也。吾君仁愛，曾禽獸  
之加焉，而況于人乎？此聖王之道也。

景公睹乞兒於途，晏子諷公使養。第十

景公睹嬰兒有乞於塗者，公曰：是無歸夫。晏子  
對曰：君存何為無歸？使吏養，可立而以聞。  
景公慙，明跪之辱，不朝。晏子稱直，請賞之。第

跪

十一

之

景公正晝被髮乘六馬御婦人呂出正圉刑跪擊其馬而反之曰爾非吾君也公慙而不朝晏子睹齋歎而向日君何故不朝對曰昔者君正晝被髮乘六馬御婦人呂出正圉刑跪擊其馬而反之曰爾非吾君也公慙而出反不果是以不朝晏子入見景公曰昔者寡人有罪被髮乘六馬呂出正圉刑跪擊馬而反之曰爾非吾君也寡人呂天子大夫之賜得百姓以守宗廟今見戮於刑跪以辱社稷吾猶可以濟于諸侯乎

言驕

悟

晏子對曰君勿惡焉臣聞下無直辭上有隱君民多諱曰君有驕行古者明君在上下多直辭君上好善民無諱言今君有失行則跪直辭禁之是君之福也故臣來慶請賞之以明君之好善禮之呂明君之受諫公笑曰可乎晏子曰可於是令刑跪倍資無征時朝無事也  
景公夜從晏子飲晏子稱不敢與第十二  
景公飲酒夜移于晏子前駢歎門曰君至晏子被玄端立于門曰諸侯得微有故乎國家得微

鳥

子

有事乎、君何為非時而夜辱、公曰、酒醴之味、金石之聲、願與夫子舉之、晏子對曰、夫布薦席陳簠簋者、有人、臣不敢與焉、公曰、移于司馬穰苴之家、前驅款門、曰、君至、穰苴从冑楯、斂立于門、曰、諸侯得微有兵乎、大臣得微有叛者乎、君何為非時而夜辱、公曰、酒醴之味、金石之聲、願與將軍舉之、穰苴對曰、夫布薦席陳簠簋者、有人、臣不敢與焉、公曰、移於梁丘據之家、前驅款門、曰、君至、梁丘據左稱瑟、右挈竽、行歌而去、公曰、

樂哉、今夕吾飲也、微彼二子者、何以治吾國、微此一臣者、何以樂吾身、君子曰、聖賢之君、皆有益友、無偷樂之臣、景公弗能及、故兩用之、僅得不亡、

對

景公使進食與裘、晏子對以社稷、臣弟十三、晏子侍于景公、朝寒、公曰、請進暖食、晏子對曰、舉非君奉餽之臣也、敢辭、公曰、請進脫表、對曰、舉非君苟席之臣也、敢辭、公曰、然夫子之於寡人、何為者也、對曰、舉社稷之臣也、公曰、何謂社

稷之臣對曰夫社稷之臣能立社稷祀上下之義使當其理制百官之序使得其宜作為辭令可分<sup>布</sup>于四方自是之後君不以禮不見晏子晏子飲景公酒令器必新家老曰財不足請斂于氓晏子曰止夫樂者上下同之故天子與天下諸侯與境內匹夫以下谷與其僚無有獨樂今上棄下傷其費是獨樂者也不可

晏子飲景公酒公呼具火晏子稱詩曰辭第

十五

景

晏子飲景公酒日暮公呼具火晏子辭曰詩云側弁之俄言失真也屣舞僂僂言失容也既醉以酒既飽以德既醉而出並受其福賓主之禮也醉而不出是謂伐德賓之罪也嬰已卜其日未卜其夜公曰善舉酒祭之再拜而出曰豈過我哉吾託國于晏子也以其家貨養寡人不欲其淫侈也而况與寡人謀國乎

晉欲攻齊使人往觀晏子曰禮待而折其謀

第十六

公酌寡人之樽  
進之於客范昭  
飲之晏子曰徹  
樽

謂之

晉平公欲代齊使范昭往觀焉景公觴之飲酒  
醉范昭曰請君之棄樽更之罇解矣范昭佯  
醉不悅而起舞謂太師曰能為我調成周之樂  
乎吾為子舞之太師曰冥臣不習范昭趨而出  
景公謂晏子曰晉大國也使人來將觀吾政今  
于怒大國之使者將柰何晏子曰夫范昭之為  
人也非陋而不知禮也且欲試吾君臣故絕云  
也景公為太師子曰何日不為客調成周之樂

犯音

乎太師封曰夫成周之樂天子之樂也調之必  
人主舞之今范昭人臣欲舞天子之樂臣故不  
為也范昭歸以報平公曰齊未可伐也臣欲試  
其君而晏子識之臣欲死其禮而太師知之仲  
尼聞夫不出於尊俎之間而知千里之外其晏  
子之謂也可謂折衝矣而太師其與焉

景公問東門無澤年穀而對以水晏子請罷  
伐魯第十七

景公伐魯傳許得東門無澤公問焉魯之年穀

伐

何如對陰水厥陽水厚五寸不知曰告晏子晏  
子對曰君子也凶年穀而對以水禮也陰水厥  
陽水厚五寸者寒溫節節則刑政平平則上下  
和和則年穀熟年充衆和而伐之臣恐罷民弊  
兵不成君之意請禮魯曰息吾怨遣其執以明  
吾惠公曰善迺不魯

景公使晏子予魯地而魯使不盡受第十八  
景公命魯君地山陰數百社使晏子致之魯使  
子叔昭伯受地不盡受也晏子曰寡君獻地忠

庸也君為不盡受子叔昭伯曰臣受命於君曰  
諸侯相見交讓爭處其卑禮之文也交委多爭  
受少行之實也禮成文于前行成章於後文之  
所以長久也且吾聞君子不盡人之歡不竭人  
之忠吾是以不盡受也晏子歸報公公喜笑曰  
魯君猶若是乎晏子曰臣聞大國貪于名小國  
貪于實此諸侯之公患也今魯處卑而不貪于  
尊辭實而不貪于多行庸不為苟得道義不為  
苟合不盡人之歡不竭人之忠以全其文君之



道義殊于世俗國免於公患公曰寡人說魯君  
故予之地今行果若此吾將使人賀之晏子曰  
不君臣驩予之地而賀其辭則文不親而地不  
為惠矣公曰善於是重魯之幣如此諸侯厲其  
禮如此賓客君子於魯而後明行廉辭地之可  
為重名也

景公遊純得金中書晏子因以諷之第十  
九  
公遊於純得金乃發其視之中有月書曰食魚

無及勿乘駑馬公曰善哉知苦言食魚與及則  
惡其鯨也勿乘駑馬惡其取道不遠也晏子對  
曰不然食魚無及也畫民力于勿乘駑馬則無  
置不肖於側矣公曰純有書何以亡也晏子對  
曰有以亡也嬰聞之君子有道懸之罔純有此  
言法之其不亡何待乎  
景公賢魯昭公去國而自悔晏子謂無及也

第二十一

魯昭公棄國走齊齊公問焉曰君何幸之少而

臨  
難

向

棄國之亟、奚道至於此乎、昭公對曰、吾少之時、人多愛我者、吾體不能親、人多諫我者、吾志不能用、是則內無拂、而外無輔、輔拂無一人、諂諛我者甚衆、譬之猶秋蓬也、孤其根、而美枝葉、秋風一至、根且拔矣、景公辯其言、曰、語、晏子曰、使是人反其國、豈不為古之賢君乎、晏子對曰、不然、夫愚者多悔、不肖者自賢、溺者不問墜、迷者不問路、溺而後問墜、迷而後問路、譬之猶臨也、而遠鑄兵、噫、而遠掘井、難速亦無及已、

倒

誰

晏子使魯布事已、仲尼以為知禮、第二十一、晏子使魯、仲尼命門子荝往觀、子貢反、報曰、孰謂晏子習于禮乎、夫禮曰、登階不歷、堂上不趨、授玉不跪、今晏子皆反此、謂晏子習于禮者、晏子既已有事于魯君、退見仲尼、仲尼曰、夫禮登階不歷、堂上不趨、授玉不跪、夫子反此乎、晏子曰、嬰聞兩楹之間、君臣有位焉、君行其一、臣行其二、君之來敎、是召登階、歷堂上、趨、召及位也、君授玉、卑、故跪以下之、且吾聞之、大者不踰、

閑

困小者出入可也。晏子出，仲尼送之。曰：賓客之禮，不計之義。維晏子為能行之。

晏子之魯進食有豚，亡一肩，不求其人。第二

十二

晏子之魯朝食，進餽膳有豚，馮。晏子曰：去其二

肩。畫者進膳，則豚肩不具。侍者曰：膳豚肩亡。晏

子曰：釋之矣。侍者曰：我能得其人。晏子曰：止。吾

聞之，量功而不量力，則民盡。藏餘不分，則民盜。

子教我，听曰：氏之無教我，求其人也。

畫 易

之疑乎

湛 求 醞

曾子將行，晏子送之，而贈以善言。第二十三  
曾子將行，晏子送之，曰：君子贈人以軒，不若以言。吾請以言之。以軒乎？曾子曰：請以言。晏子曰：今夫車輪山之直木也，良匠操之，其圓中規，雖有槁暴，不復斲矣。故君子慎隱操，和氏之璧，井里之困也。良工修之，則為存國之寶。故君子慎所修。今夫蘭本三年而成，湛之苦酒，則君子不近。度人不佩湛之縻，醞而實匹馬矣。非蘭本美也，所滿然也。願子之必求所湛，學聞之。君子居

必擇居游必就士擇居所曰求士求士所以稱  
惠也嬰聞汨常移質習俗移性不可不慎也  
晏子之晉睹齊纍越石父解左驂贖之與歸

第二十四

晏子之晉至中牟睹弊冠反裘負芻息於塗側  
者以為君也使人問焉曰子何為者也對曰我  
越石父者也晏子曰何為至此曰吾為人臣僕  
於中牟見使將歸晏子曰何為之僕對曰不免  
凍餓之切吾身是且為僕也晏子曰為僕幾何

年

解

怒

何

對曰三年矣晏子曰可得贖乎對曰可遂解左  
驂以贈之因載而與之俱歸至舍不辭而入越  
石父始而請絕晏子使人應之曰吾未嘗得交  
夫子也子為僕三年吾迺今日睹而贖之吾於  
子尚未可乎子阿絕我之暴也越石父對之曰  
臣聞之士者誅乎不知已而申乎知己故君子  
不以功輕人之身不為彼功誅身之理吾三年  
為人臣僕而莫吾知也今子贖我吾以子為知  
我矣嚮者子乘不我辭也吾且子為忘今又不

車

辭而入。是與臣我者同矣。我猶且為臣。請鬻於世。晏子出見之。曰。嚮者見容之容。而今也。見客之意。嬰聞之。省行者不引其過。察實者不譏其辭。嬰可引辭而無棄乎。嬰誠革之。迺令糞灑。改席尊醮。而禮之。越石父曰。吾聞之。至恭不脩途。尊禮不受損。夫子禮之。僕不敢當也。晏子遂以為上客。君子曰。俗人之有功則德。德則驕。晏子有功。免人于厄。而又諒下之。其去俗亦遠矣。此全功之道也。

誥

為

第二十五

晏子之御感妻言而自抑損。晏子薦以大夫。晏子為齊相。出其御之妻從門間而視。其夫為相御。擁大蓋。策駟馬。意氣揚揚。甚自得也。既而婦其妻請去。夫問其故。妻曰。晏子長不滿六尺。身相齊國。名顯諸侯。今者妾觀其出。志念深矣。常有以自下者。今子長八尺。迺為人僕御。然子之意。自以為足。妾見以求去也。夫後夫自抑損。晏子恆而問之。御曰。實對。晏子薦曰。為大夫。

是 其

泯子午見晏子晏子恨不盡其意第二十六  
 燕之游士有泯子午者南見晏子於齊言有文  
 章術有條理巨可曰補國細可以益晏子者三  
 百篇睹晏子恐慎而不能言晏子假之曰悲色  
 開之以禮顏然後欲盡其復也容退晏子直席  
 而坐廢朝移宵在側者曰嚮者無容待夫子胡  
 為憂也晏子曰燕萬乘之國也齊千里之塗也  
 泯子午以萬乘之國為不足說曰千里之塗為  
 不足遠則是子萬人之上也且猶不能彈其言

於我况乎齊人之懷善而死者乎吾所曰不  
 睹也豈不多矣贊吾矣此何之有也  
 晏子乞北郭騷米曰養母騷殺身曰明晏子  
 之賢第二十七  
 齊有北郭騷也結果用捆蒲葦織履以養其母  
 猶不足踵門見晏子曰竊說先生之義願乞所  
 日養母也晏子使人分倉粟府金而遺之辭金  
 受粟有間晏子見疑于景公出奔過北郭騷之  
 門而辭北郭騷沐浴而見晏子曰夫子將焉適

北郭

晏子曰見疑于齊君將出奔北郭駭曰夫子勉之矣晏子上車太息而歎曰嬰之亡豈不宜哉亦不知士甚矣晏子行也子君于友而告之曰吾說晏子之義而嘗乞所以養母在焉吾用之養其親者身仇之難今晏子見疑吾將以身死白之著衣冠令其友操劍奉而從也于君庭求復者曰晏子天下之賢者也今去齊國齊必侵矣方見國之必侵不若死請以頭託白晏子也因謂其友曰盛吾頭于笥中奉君退託而自刎

批

之

其友因奉託而謂復者曰此北郭子為國故死吾將為北郭子死又退而又刎景公聞之大駭乘駟而自追晏子及之國郊請而反之晏子不得已而反聞北郭子以死白己也大息而歎曰嬰之亡豈不宜哉亦愈不知士甚矣

景公欲見高糾晏子辭曰祿仕之臣第二十

八

景公謂晏子曰吾聞高糾與夫子遊寡人請見之晏子對曰臣聞之為地戰者不能成也王為

美

祿仕者不能正君高紕與嬰為兄弟久矣未  
常于嬰之行持祿仕之臣也何足以補君乎  
高紕治晏子家不得其俗迺逐之第二十九  
高紕事晏子而見逐高紕曰臣事夫子三年無  
得而卒見逐其說何也晏子曰嬰之家俗有三  
而子無一焉紕曰可得聞乎晏子曰嬰之家俗  
間處從容不談議則踈出不相揚美入不相削  
行則不與通國事無論驕士慢知在則不朝也  
此三事嬰之家俗今子無一焉故嬰非特食

經

餽之長也是以辭

晏子居喪隨會家老仲尼善之第三十

晏子居晏桓子之喪麤衰斬苴經帶杖管屨食  
粥居倚廬寢苦枕草其家老曰非大夫喪父之  
禮也晏子曰唯卿為大夫曾子以聞孔子孔子  
曰晏子可謂能喪矣不曰己之是駁人之非  
隨辭以辭咎義也



晏子春秋內篇雜上第五

晏子春秋內篇雜下第六 凡三十章

靈公禁婦人為丈夫飾不止 晏子請先內

勿服第一

齊人好鼓擊晏子給不祥而禁之第二

景公蓄五丈夫稱無辜晏子知其寃第三

栢常騫穰鳥死將為景公請壽晏子識其

意第四

景公成栢寢而師用言室夕晏子辨其所

目然第五

景公病水菴與日自晏子教占菴者曰對

第六

景公病瘍晏子撫而對之迺知群臣之野

第七

晏子使吳吳王命儻者稱天子晏子詳惑

第八

晏子使楚楚為小門晏子稱使狗國者入

狗門第九

楚王欲辱晏子指盜者為齊人晏子對以

橘第十

楚主饗晏子進橘置削晏子不剖而食第

十一

晏子布衣棧車而朝陳桓子侍景公飲酒

請字第十二

田嬰字請求四方之學士晏子謂君子難

得第十三

田嬰字勝寧氏高氏欲分其家晏子使致

之公第十四

子尾疑晏子不受慶氏之邑晏子謂足欲

則元第十五

景公徠晏子平因與豪邑晏子願計三言

以辭第十六

梁丘據言晏子食肉不足景公割地將封

晏子辭第十七

景公以晏子食不足致千金而晏子固不

受第十八

景公召晏子衣食弊薄使田無字致封邑

辭第十九

田桓子疑晏子何以辭邑晏子答曰君子

之事也第二十

景公欲更晏子宅晏子辭以近市得所求

諷公自刑第二十一

景公毀晏子隣以益其宅晏子因陳桓子

以辭第二十二

景公欲為晏子築室於宮內晏子稱是日

遠之而辭第二十三

景公曰晏子事老且惡欲內愛女晏子再

拜以辭第二十四

景公以晏子乘弊車駑馬使梁丘據遺之

三返不受第二十五

景公睹晏子之食菲薄而嗟其貧晏子稱

其參士之食第二十六

梁丘據自患不及晏子晏子勉據曰常為

常計第二十七

晏子老辭邑景公不許致車一乘而後止

二十八

晏子病將死妻問所欲言云毋變爾俗第二

十九

晏子病將死擊搯納書命子壯而示之第三

十

靈公禁婦人為丈夫飾不止晏子請先內勿

服第一

靈公好婦人而丈夫飾者國人盡服之公使吏

禁之曰女子而男子飾者裂其衣斷其帶裂衣

裂

肉恐肉

斷帶相望而不止。晏子見公，問曰：寡人使吏禁女子而男子飾裂斷其衣帶，相望而不止者，何也？晏子對曰：君使服之於肉而禁之於外，猶懸牛首于門而賣馬肉於肉也。公何以不使肉勿服則外莫敢為也？公曰：善。使肉勿服，斷目而國莫之服。

齊人好轂擊。晏子給曰：不祥而禁之，第二。齊人甚好轂擊，相犯以為樂，禁之不止。晏子患之，迺為新車良馬，出與人相犯也。曰：轂擊者不

馬

化

祥，臣其祭祀不順，居處不敬，乎下車而棄去之。然後國人乃不為，故曰禁之以刑而身不先行，民不能止，故化其心，莫若教也。

景公夢五丈夫，夫稱無辜。晏子知其寃，第三。景公畋於梧丘，夜猶早，公姑坐睡而夢有五丈夫，北面，韋廬稱無罪焉。公覺，召晏子而告其所。夢公曰：我其嘗殺不辜，誅無罪耶？晏子對曰：昔者先君靈公畋五丈夫，畧而駭獸，故殺之，斷其頭而葬之。命曰五丈夫之丘，此七地耶？公令人

騫

掘而求之則五頭同穴而存焉公曰嘻今吏葬之國人不知其謬也曰君恫白骨而沉於生者乎不遺餘力矣不釋餘知矣故曰君子之為善易矣

栢常騫饗鳥死將為景公請壽晏子識其主

第四

景公為路寢之臺成而不踊焉栢常騫曰君為臺甚急臺成君何為而不踊焉公曰然有梟昔者鳴聲無不為也吾惡之甚是日不踊焉栢常

翼

騫曰臣請禳而去公曰何具對曰築新室為置白茅公使為室成置白茅焉栢常騫夜用事朔日問公曰今昔聞鶉聲乎公曰一鳴而不復聞使人往視之鶉當陞布豎伏地而死公日子之道若此其明亦能益寡人之壽乎對曰能公曰能益幾何對曰天子九諸侯七大夫五公日子亦有徵兆之見乎對曰得壽地且勤公喜令百官趣具騫之所欲栢常騫出遭晏子于塗拜馬前辭騫曰為禳君鶉而殺之君謂騫日子之道

騫  
抑疑仰

若此其明也亦能益寡人壽乎騫曰能今日大  
祭為君請壽故將往曰問晏子曰嘻亦善彼為  
君請壽也雖然吾聞之維以政與惠而順乎神  
為可日益壽今徒祭可以益壽乎然則福此有  
見乎對曰得壽地將動晏子曰騫昔吾見維星  
絕樞星散地其動汝曰是乎栢帝宥俯有則柳  
而對曰然晏子曰為之無益不為無損也汝薄  
栢毋費民且無令君知之

景公成眠寢而師用言室夕晏子辨其所以

第五

景公新成栢寢之室使師用鼓琴師用左撫宮  
右彈商曰室夕公曰何以知之師用對曰東方  
之聲薄西方之聲揚公召大匠曰室何為夕大  
匠曰立室以宮矩為之於是召司室曰立宮何  
為夕司空曰立宮以城矩為之明日子朝晏公  
公曰先君太公以營丘之封立城曷為夕晏子  
對曰古之立國者南望南斗北戴樞星彼安有  
朝夕哉然而以今之夕者周之建國國之西方

晏子  
下下  
倒

以尊固也、公遽然曰、古之臣子、

景公病水、蓍與月、闕學子教占蓍者以對、第

六

景公病、求臥十數日、夜蓍與二月、闕不勝、晏子

朝、公曰、夕者夢、與二日、闕而寡人不勝、我其死

乎、晏子對曰、請召占蓍者出於闕、使人以車也、

古夢者至曰、易為見、召晏子曰、夜者公夢、二日

與公、闕不勝、公曰、寡人死乎、故請君占夢、是所

為也、占蓍者曰、請反其書、晏子曰、毋反書、公亦

病者陰也、日在陽也、一陰不勝二陽、故病將已、

日是對占夢者入、公曰、寡人蓍與二日、闕而不

勝、寡人死乎、占夢者對曰、公之所病陰也、日者

陽也、一陰不勝二陽、公病將已、居三日、公病大

餘、公且賜占蓍者、占蓍者曰、計非臣之力、晏子

教臣也、公召晏子、且賜之、晏子曰、古夢以臣之言

對、故有益也、使臣言之、則不信矣、此占夢之力

也、臣無功焉、公因賜之曰、召晏子、不奪人之功、

以占夢者不蔽人之能、

日  
水

愈

兩



請

李

景公病瘧，晏子撫而對之，迺知群臣之野第

七

景公病瘧，在背。高子國子請公曰：「職當撫瘍。」高子進而撫瘍，公曰：「熱乎？」曰：「熱。」熱何如？曰：「如火。」其色何如？曰：「如未熟季。」大小何如？曰：「如豆。」墮者何如？曰：「如履辨。」二子者出，晏子請見。公曰：「寡人有病，不能勝衣冠。」曰：「見夫子，夫子其辱視寡人乎？」晏子入，呼宰人具盥御者具，巾刷手，溫之，發席侍薦，跪請撫瘍。公曰：「其熱何如？」曰：「如日。」其色

拙

何如？曰：「如蒼玉。」大小何如？曰：「如璧。」其墮者何如？曰：「如珪。」晏子出，公曰：「吾不見君子，不知野人之

拙也。

晏子使吳，吳王命儻者稱天子，晏子詳惑第

八

晏子使吳，吳王謂行人曰：「吾聞晏嬰蓋北方辯子，辭習于禮步也。」命儻者曰：「客見則稱天子，請見明日，晏子有事。」行人曰：「天子請見，晏子蹙然。」又曰：「天子請見，行人又曰：「天子請見，晏子蹙然。」又曰：「天子請見。」

以

晏子豐然者三曰臣受命弊邑之君將使於吳  
王之所以不敏而迷惑入於天子之朝敢問吳  
王惡乎存然後吳王曰夫差請見見之心諸侯  
之禮

晏子使楚楚為小門晏子稱使狗國者入狗

門第九

晏子使楚以晏子短楚人為小門于大門之側  
而延晏子晏子不入曰使狗國者從狗門入今  
臣使楚不當從此門入僂在更道從大門入見

淄

楚王王曰齊無人耶晏子對曰臨淄三百閭張  
袂成陰揮汗成雨此肩繼踵而在何為無人王  
曰然則子何為使乎晏子對曰齊命使各有所  
主其賢者使使賢王不肖者使使不肖王嬰最  
不肖故直使楚矣

楚王欲辱晏子指盜者為齊人晏子對曰橘

第十

晏子將楚楚聞之謂左右曰晏嬰齊之習辭者  
也今方來吾欲辱之何以也左右對曰為其來

者疑問

也。臣請縛一人過王而行。王者何為者也。對曰：齊人也。王曰：何坐？曰：坐盜。晏子至楚，王賜晏子酒，酒酣，吏二縛一人詣王。王曰：縛者曷為者也？對曰：齊人也。坐盜。王視晏子曰：齊人固善盜乎？晏子避席對曰：嬰聞之，橘生淮南則為橘，生于淮北則為枳，葉徒相似，其實味不同，所以然者，何？水土異也。今民生長於齊不盜，入楚則盜，得無楚之水土使民善盜耶？王笑曰：聖人非所與熙也。寡人反取病焉。

問 固

楚王饗晏子，進橘，置削。晏子不削而食。第十

一

景公使晏子於楚。楚王進橘，置削。晏子不削而並食之。楚橘，王曰：當去削。晏子對曰：臣聞之，賜人主前者，此桃不削。橘柚不削。今者萬乘無教，今臣故不敢削。不然，臣非不知也。

之橘  
耗字下  
當在曰

晏子布衣棧車而朝。田桓子侍，景公飲酒，請

浮之第十二

景公飲酒，田桓子侍，望見晏子而復於公曰：請

桓

宇

淳、晏子、公曰、何故也、無字對曰、晏子、衣緇布之  
衣、麋鹿之裘、棧軫之車、而駕騶馬、曰朝、是隱君  
之賜也、公曰、諾、晏子坐、酌者奉觴進之曰、君命  
淳子、晏子曰、何故也、田桓子曰、君賜之御位以  
尊其身、寵之百萬以富其家、群臣其爵莫尊于  
子、祿莫重於子、今子、衣緇布之衣、麋鹿之裘、棧  
軫之車、而駕騶馬以朝、是則隱君之賜也、故淳  
子、晏子避席曰、請飲而後辭、其辭而後飲、  
公曰、辭然後飲、晏子曰、君之賜、御位以尊其身、

于

通 臨 之 完

嬰非敢為顯受也、為行君令也、寵以百萬曰富  
其家、嬰非敢為富受也、為道君賜也、巨聞古之  
賢君有受厚賜而不顧其困族則過之、所事守  
職不勝其任則過之、君之內隸、臣之父兄、若有  
離散在於野鄙、此臣之罪也、君之內隸、臣之所  
職、若有播之在於四方、此臣之罪也、兵革之不  
完、戰車之不修、此臣之罪也、若夫弊車騶馬以  
朝、意者非臣之罪乎、且臣以君之賜、父之黨、無  
不乘車者、母之黨、無不足于衣食者、專之黨、無

宇

陳餒者國之間士待臣而後舉火者數百家如  
此者為彭君賜乎為隱君賜乎公曰善為我淳  
無字也

田無字請求四方之學士晏子謂君子難得

第十三

之美

田桓子見晏子獨立於墻陰曰子何為獨立而  
不憂何不求四鄉之學士可者而與坐晏子  
共立似君子出言而非也嬰惡得學士之可者  
而與之坐且君子之難得也若美山然名山既

畫

多矣松柏既茂矣望之相相然盡自力不知厭  
而世有所美焉固欲登彼相相之上化化然不  
知厭小人者與此異若鄙妻之末登善登之無  
踐維有楚棘而已遠望要見也悅就則傷要要  
能無獨立焉且人何憂靜處遠慮見歲若月學  
問不厭不知老之將至安用從酒田桓子曰何  
謂從酒晏子曰無容而飲謂之從酒今若子者  
晝夜守尊謂之從酒也

田無字勝樂氏高氏欲分其家晏子使致之

宇

鮑

公第十四

欒氏高氏欲逐田氏鮑氏田氏鮑氏先知而遂  
攻之高彊曰先得君田鮑安往遂攻虎門二家  
召晏子晏子無所從也從者曰何為不助田鮑  
晏子曰何善焉其助之也何為不助欒高曰庸  
愈於彼羊門用公召而入欒高不勝而出田桓  
子欲分其家臣告晏子晏子曰不可君不能  
法而群臣專制亂之本也今又欲分其家利其  
貨是非制也子必致之公且嬰聞之禁者政之

子

怨

本也讓者德之主也欒高不讓以至此禍可也  
慎乎廉之謂公正讓之謂保德凡有血氣者皆  
有爭心怨利生孽維義可以為長存且分爭道  
不勝其禍辭讓者不失其福子必勿取桓子曰  
善盡致之公而請老于劇

子尾疑晏子不受慶氏之邑晏子謂足欲則  
慶氏亡分其邑與晏子卿殿其鄙卒晏子弗受  
子尾曰富者人之所欲也何獨弗欲晏子對曰

呼

慶氏之邑足欲故亡吾邑不足欲也益之以耶  
殿足欲足欲亡無矣日在外不得掌吾一邑  
不受耶殿非惡富也恐失富也且夫富如布帛  
之有幅焉為之制度使無遷也夫生厚而用利  
于是乎正德曰幅之使無黜慢謂之幅利利過  
則為敗吾不敢貪多所謂幅也○或作晏子對  
曰先人有言曰無功之賞不義之富禍之媒也  
夫離治求富禍也慶氏知而不行是以失之  
我非惡富也諺曰前車覆後車戒吾恐失富不

敢受之也

景公祿晏子平陰與橐邑晏子願行三言曰

辭第十六

景公祿晏子平陰與橐邑及市者十一社晏  
子辭曰吾君好治宮室民之力弊矣又好盤游  
翫好以飭女子民之財竭矣又好興師民之死  
近矣弊其力竭其財近其死下之疾其上甚矣  
此舉之所為不敢受也公曰是則可矣雖然君  
子獨不欲富與責乎晏子曰嬰聞為國臣者先

君後身安國而度家宗君而處身易為獨不欲  
富與貴也公曰然則曷以祿夫子晏子對曰君  
商漁鹽關市譏而不征耕者十取一焉弛刑罰  
若死也刑若刑也罰若罰也免若免也此三言也  
之祿君之利也公曰此三言也寡人其事焉請  
以從夫子公既行若三言使人問大國大國之  
君曰齊安矣使人問小國小國之君曰齊不我  
加矣

梁丘據言晏子食肉不足景公割地將封晏

子辭第十七

晏子相齊三年政平民說梁丘據見晏子中食  
而肉不足以告景公且日割地將封晏子晏子  
辭不受曰富而不驕者未嘗聞者貧而不恨者  
嬰是也所以貧而不恨也若為師也今封易  
嬰之師師已輕封已重矣請辭

景公曰晏子食不足致千金而晏子固不受

第十八

晏子方食景公使使者至分食食之使者不飽



市

賜

之

晏子亦不飽使者及言之公公曰嘻晏子之家  
 若是其貧也寡人不知是寡人之過也使吏致  
 千金與布租請以奉賓客晏子辭三教之終再  
 拜而辭曰嬰之家不貧君之賜澤獲三族延  
 及文遊以振百姓君之嬰也厚矣嬰之家不貧  
 也嬰聞之夫厚取之君而施之民豈臣代君君  
 氏也忠臣不為也厚取之君而不施於民是為  
 筐篚之疾也仁人不為也進取于君退得罪于  
 士身死而財遷於他人是為宰莊也智者不為

民

筐篚

聞

也十夫總之布一豆之食足於中免矣景公謂  
 晏子曰昔吾先君桓公以書社五百封管仲不  
 辭而受子辭之何也晏子曰嬰聞之聖人千慮  
 必有一失愚人千慮必有一得意者管仲之失  
 而嬰之得者耶故再拜而不敢受命

景公以晏子衣食弊薄使田無宇致封邑

子辭第十九

晏子相齊衣十升之布脫粟之食五卯苔菜而  
 已左右以告公公為之封邑使田無宇致臺與

鹽

無鹽晏子對曰昔吾先君太公受之管丘為地  
五百里為世國長自太公至於公之身有數十  
公矣有徒說其君以取邑不至公之身趣齊博  
以求升土不得容足而高焉嬰聞之臣有真  
祿無真退祿惡有不肖父為不肖子為封邑以  
敗其君之政者乎遂不受

田桓子疑晏子何以辭邑晏子答曰君子之

事也第二十一

景公賜晏子邑晏子辭田桓子謂晏子曰君歡

然與子邑必不受恨臣君何也晏子對曰嬰聞  
之節受于上者竈長于君儉居處者名廣於外  
夫長竈廣名君子之事也嬰獨庸能已乎

景公欲更晏子宅晏子辭曰近市得來諷公

省刑第二十一

景公欲更晏子之宅曰子之宅近市歟隘囂塵  
不可以居請更諸率墪者晏子辭曰君之先臣  
容焉臣不足曰嗣之於臣後矣且小人近市朝  
夕得所求小人之利也敢煩皇旅公笑曰子近

爽

煩

改博社

庶

市識多賤乎對曰既竊利之敢不識乎公曰何貴何賤是時也公繫于刑有鬻踊者故對曰踊矣而履賤公愀然民容公為是者于刑君子曰仁人之言其利博哉晏子一言而齊侯省刑詩曰君子如社亂無道已其是之謂乎

景公毀晏子隣以益其宅晏子因陳桓子以

解第二十二

晏子使晉景公更其宅反則成矣既拜迺毀之而為里室皆如其舊則使宅人反之且諺曰非

居

宅是卜維隣是卜二三子先卜隣矣違卜不祥君子不犯非禮小人不犯不祥古之制也吾敢違諸乎卒復其舊宅公弗許因陳桓子以請迺許之○或作晏子使魯比其反景公為毀其隣以益其宅晏子反聞之待於郊使人復于公曰臣之貧頑而好大室也乃通於君故君大其室臣之罪大矣公曰夫子之鄉惡而居小故為夫子為之欲夫子居之臣憚寡人也晏子對曰先人有言曰毋卜其居而卜其隣舍今得意於君

吉

者、憚其居則母卜已、沒氏之先人卜與臣隣告、  
臣可以廢沒氏之卜乎、丈夫大居而逆隣歸之心、  
臣不願也、請辭、

景公欲為晏子築室於宮內、晏子稱是以辭、  
之而辭第二十三

景公謂晏子曰、寡人欲朝昔見、為夫子築室於  
國內、可乎、晏子對曰、臣聞之、隱而顯、迹而結、維一  
至賢耳、如臣者、飾其容止、以待承令、猶恐罪戾  
也、今君逆之、是遠之也、諸辭、

承 請

愛

景公以晏子事老且惡、欲納妻女、晏子再拜  
以辭第二十四

景公有妻女、請嫁于晏子、公廼往燕、晏子之家、  
飲酒酣、公見其妻曰、此子之內子耶、晏子對曰、  
然是也、公曰、嘻、亦老且惡矣、寡人有女、少且姣、  
請以滿夫子之宮、晏子違席而對曰、乃此則雖  
且惡、嬰與之居故矣、故及其少而姣也、且人固  
且壯、託乎老、姣託乎惡、彼嘗託而嬰受之矣、君  
雖有賜、可以使嬰倍其託乎、再拜而辭、

景公以晏子乘弊車駕馬使梁丘據遺之三

返不受第二十五

晏子朝乘弊車駕馬景公見之曰嘻夫子之  
祿寡耶何乘不任之甚也晏子對曰賴君之賜  
得以壽三族及國游士皆得生焉臣得暖衣飽  
食弊車駕馬臣奉其身於臣足矣晏子出公使  
梁丘據遺之輅車乘馬三返不受公不悅趣召  
晏子晏子至公曰夫子不受寡人亦不乘晏子  
對曰君使臣臨百官之吏臣節其衣服飲食之

後馬

養臣先國之民然猶恐其後靡而不顧其行也  
今輅車乘馬君乘之上而臣亦乘之下民之無  
義侈其衣服飲食而不顧其行者臣無以禁之  
遂讓不受

百

景公睹晏子之食菲薄而嗟其貧晏子稱其

參士之食第二十六

晏子相景公食脫粟之食炙三七五卯苜蓿菜耳  
矣公問之往燕焉睹晏子云食也公曰嘻夫子  
之家如此其貧乎而寡人不知寡人之罪也晏

之

脫

子對曰。臣世之不足也。晚粟之食。飽士之一乞也。災三乞士之二乞也。五仰士之三乞也。嬰無信人之行。而有參士之食。君之賜厚矣。嬰之家不貧。再拜而謝。

丘據自患不及。晏子晏子勉據常為常行。

第二十七

澤丘據謂晏子曰。吾至死不及夫子矣。晏子曰。嬰聞之。為者常成。行者常至。嬰非有異于人也。常為而不置。常行而不休者。故難及也。

聞

晏子老。辭邑。景公不許。致車一乘而後止。景

二十八

晏子相。景公老。辭邑。公曰。自吾先君定公至今。用世多矣。齊大夫未有老辭邑者。今夫子猶辭之。是毀國之故。棄寡人也。不可。晏子對曰。嬰聞古之事君者。稱身而食。德厚而受祿。德薄射辭。祿德厚受祿。所臣明上也。德薄辭祿。可以潔下也。嬰老薄。燕能而厚受祿。是掩上之明。污下之行。不可。公不許。曰。昔吾先君桓公有管仲。恤勞

則

夫

齊國身老賞之臣三歸澤及子孫今夫子亦相  
寡人欲為支子三歸澤至子孫豈不可哉對曰  
昔者管子事桓公桓公義高諸侯德備百姓今  
嬰事君也國僅齊於諸侯怨積乎百姓嬰之罪  
多矣而君欲賞之豈以其不肖父其不肖子厚  
受賞臣傷國民義哉且夫真薄而祿厚智暗而  
家富是彰污而逆教也不可公不許晏子出異  
日朝得間而入邑致車一乘而後止

晏子病將死妻問所欲言云毋變爾俗第二

晏

十九

晏子病將死其妻曰夫子無所欲言乎子曰吾恐  
死而俗變謹視爾家毋變爾俗也

晏子病將死鑿楹納書命子壯而示之第三

十

晏子病將死鑿楹納書焉謂其妻曰楹語也子  
壯而示之及壯發書之言曰布帛不可窮窮不  
可飾牛馬不可窮窮不可服士不可窮窮不可  
任國不可窮窮不可竊也

晏子春秋內篇雜下第六

晏子春秋內篇雜下第六

*[Faint bleed-through text from the reverse side of the page]*

晏子春秋外篇重而異者第七九二十七章

景公飲酒命晏子去禮晏子諫第一

景公置酒泰山四望而泣晏子諫第二

景公夢見彗星使人占之晏子諫第三

景公問古而無死其棄若何晏子諫第四

景公謂梁丘據與己和晏子諫第五

景公使祝史禳昔星晏子諫第六

景公有疾梁丘據齋款請誅祝史晏子諫

第七



鄒 豫

景公見道瑾自慙無德晏子諫第八

景公欲誅斷所愛構者晏子諫第九

景公坐路寢曰請將有以晏子諫第十

景公臺成盈成道願合莠其女晏子諫而

許第十一

景公築長康臺晏子舞而諫第十二

景公使燭卿主鳥而亡之公怒將加誅晏

子諫第十三

景公問治國之德晏子對以侮人說又在

君側十四

景公問後孰將致有齊國晏子對曰田氏

第十五

晏子使吳吳王問君子之行晏子對以不

亂國俱滅第十六

吳王問齊君慢暴吾子何容焉晏子對曰

豈缺曰道食人第十七

司馬子期間有不仁君不師民取名者乎

晏子對曰不仁也第十八

脫典字

高子向事靈公莊公景公皆敬子晏子對

曰一心第十九

晏子再治東河上計景公迎賀晏子辭第

二十

太卜始景公能動地晏子知其妄使卜自

曉公第二十一

有獻書譜晏子退耕而國不治復召晏子

第二十二

晏子使高糾治家三年而未嘗弼過逐之

鹿

第二十三

景公稱桓公之封管仲益晏子邑辭不受

第二十四

景公使梁丘據致千金衣裘晏子固辭不

受第二十五

晏子衣澠裘臣朝景公嗟其貧晏子稱有

飾第二十六

仲尼稱晏子行補三君而不有累君子也

第二十七

釋

景公飲酒命晏子去禮晏子諫第一  
景公飲酒數日而樂禪衣冠自鼓缶謂左右曰  
仁人亦樂是夫梁丘據對曰仁人之耳目亦猶  
人也夫奚為獨不棄此也公曰趣駕迎晏子晏  
子朝且至受觴再拜公曰寡人甚樂此樂欲與  
夫子共之請去禮晏子對曰君之言過矣群臣  
皆欲去禮以事君嬰必君子之不欲也今齊國  
五尺之童子力皆過嬰又能勝君然而不敢亂  
者畏禮義也上若無於無以使其下下若無禮

夫

無

諸疑請

無以事其上吏廢鹿維無禮故父子同麀人之  
所貴以於禽獸者以有禮也嬰聞之人君無禮  
無以臨其邦大夫與禮官吏不恭父子無於其  
家必凶兄弟無禮不能久同詩曰人而無禮胡  
不遘死故禮不可去也公曰寡人不敏喪良左  
右滿盥寡人且至于此諸殺之晏子曰右左何  
罪君若無禮則好禮者去無禮者至君若好禮  
則有禮者至無禮者去公曰善請易衣草冠更  
受命晏子避走立乎門外公令人糞灑改席召

于

衣冠以迎晏子。晏子入門，三讓升階，用三獻焉。噉酒嘗膳，再拜告饜而出。公下拜送之門，反命。撤酒去樂，曰：「吾且彰晏子之教也。」○此章與景公酒酣，願無為禮。晏子諫，大旨同，但辭有詳略。爾故著子。此篇。

四

景公置酒泰山四望而泣。晏子諫，第三。景公置酒于泰山之上，酒酣，公四望其地，喟然嘆泣，數行而下，曰：「寡人將去此堂堂國者而死，手左右佐衰而泣者三人，曰：吾細人也，猶將難。」

古世

之常

死而况公乎。棄是國也而死，其孰可為乎。晏子獨搏其髀，仰天而大笑，曰：「棄哉！今日之飲也，公怫然怒，曰：寡人有衰，子獨笑何也。晏子對曰：今日見怯君，一訣臣三人，是且大笑。公曰：何謂怯也。晏子曰：夫方之有死也，今後母賢者得之，且息不肖者得之以伏。若使古之王者，毋知有死，自昔先君太公至今尚在，而君亦安得此國而衰之。夫盛之有衰，生之有死，天之分也。物有必至，事有常然，古之道也。曷為可悲。至老尚衰。」

右

間疑聞

死者怯也。左在助哀者諛也。怯諛聚君。是故笑之。公慙而更辭曰。我非為去國而死哀也。寡人間之。彗星出其所向之國。君當之。今彗星出而向吾國。我悲也。晏子曰。君之行義。曰耶無德于國。穿池沼則欲其深。呂廣也。為臺榭則欲其高且大也。賦歛如擄奪。誅僂如仇讐。自是觀之。弗又將出。天之變彗星之出。庸可悲乎。于是公怛迺歸。賈池沼。廢臺榭。薄賦歛。緩刑罰。三十七日而彗星亡。○此章無景公登牛山而悲登

是

懼塞賦

同

公阜睹彗星而感昔問。而辭少異。爾故著于此篇。

景公夢見彗星使人古之。晏子諫第三

景公夢見彗星。明日召晏子而問焉。寡人聞之。有彗星者。必有亡國。夜者寡人夢見彗星。吾欲君占者。費使占之。晏子對曰。君居處無節。衣服無度。不聽正諫。與事無已。賦歛痠厭。使民如將不勝。萬民懟恚。見彗星。又將見帶。奚獨彗星乎。此章與景公登公阜見彗星使僕之。晏子諫辭。○

召

因 奕

旨同而此時言夢見為異願故著於此篇

景公問古而無死其樂若何晏子諫第四

景公飲酒樂公曰古而無死其樂若何晏子對

曰古而無死則古之棄也君何得焉昔無鳩氏始

居此地季前因之有逢伯陵因之蒲姑因之而後

太公因之古君無死奕鳩氏之棄非君所願也

○此章與景公謂梁丘據與己和景公使祝史

禳芻星皆出於景公遊公阜一日而有三暈言

但析為章而辭少異皆著于此篇

夫 與

過

景公謂梁丘據與己和晏子諫第五

景公至自敗晏子侍於庭臺梁丘據造焉公曰

維據與我和矣晏子對曰據亦同也焉得為和

公曰和無同異乎對曰異和如羹焉水火醯醢

鹽梅以烹魚肉燂之以薪宰夫和之齊之以味

濟其不及且洩其過君子食之以平其心君臣

亦然君所謂可而有否焉臣獻其否臣成其可

君所謂否而有可焉臣獻其可以去其否是以

政平而不干民無爭心故詩曰亦有和羹既戒

濟

且平、奏、馥、無、言、時、靡、有、爭、先、王、之、濟、五、味、和、五、聲、也、呂、平、其、心、成、其、政、也、聲、亦、如、味、一、氣、二、體、三、類、四、物、五、聲、六、律、七、音、八、風、九、歌、呂、相、成、也、清、濁、小、大、矩、長、疾、徐、哀、樂、剛、柔、淫、速、高、下、出、入、周、流、以、相、濟、也、君、子、听、之、以、平、其、心、心、平、真、和、故、詩、曰、真、音、不、瑕、今、據、不、然、君、所、謂、可、據、亦、曰、可、君、所、謂、否、據、亦、曰、否、若、以、水、濟、水、誰、能、食、之、若、琴、瑟、之、專、一、誰、能、聽、之、同、之、不、可、也、如、是、公、曰、善、

善

若

景公使祝史禳琴星晏子諫第六  
齊有琴星、景公使祝禳之、晏子諫曰、無益也、祗取誣焉、天道不誥、不貳其命、看之何禳之也、且天之有琴、以除穢也、君無穢德、又何禳焉、若真之穢禳之何損、詩云、維此文王、小心翼翼、昭事上帝、聿懷多福、厥德不回、以受方國、君無違真、方國將至、何患于琴、詩曰、我無所監、夏后及商、用亂之故、民卒汙亡、若德之回、亂民將汙亡、祝史之為、無能補也、公說、乃止、○此章與景公登

著

公阜見彗星章旨同故于此篇

景公有疾梁丘據齋歎請誅祝史晏子諫第

七

問

景公疥遂瘡期而不瘳諸侯之賓問疾者多在  
梁丘據齋歎言於公曰吾事鬼神豐于先君有

加矣今君疾病為諸侯憂是祝史之罪也諸侯

不知其謂我不散君意誅于祝固使罵且辭賓

公說告晏子晏子對曰日宋之盟屈建問范會

之惠於趙武趙武曰夫子家事治言于晉國竭

敬史

王怨

光諸下疑

脫侯字

情無私其祝史祭祀陳信不愧其家事無情其

祝史不祈建以語康王康王曰神人無怨且夫

子之先輔丘君以為諸主也公曰據與歎謂寡

人能事鬼神故欲誅于祝史子稱是語何故對

曰君德之君外內不廢上下無怨動無違事其

祝史薦信矣愧心矣是以鬼神用饗國受其福

祝史無焉其所已蓄禮老壽者為信君使也其

言忠信於鬼神某適過淫君外內頌邪上下怨

疾勳作辟遠從欲厭私高臺深池撞鐘舞女斬

與

動



聚

鬼惡衍文

以

其疑爲

蒲

川民力輸掠其聚以成其違不恤後人暴虐淫  
 縱肆行非度無所還忌不思訪讎不憚鬼神鬼  
 神怒民痛無悛於心其祝史薦信是言罪也其  
 蓋失數義是矯誣也進退無辭則虛以求媚是  
 民鬼神不饗其國且禍之祝史與焉所以天昏  
 狐疫者其暴君使也其言僭慢于鬼神公曰然  
 則若之何對曰不可為也山林之木衡鹿守之  
 澤之藿蒲舟鮫守之藪之薪虞候稜守之海之  
 鹽蜃祈望守之縣鄙之人入從其政偏介之闡

損

責

暴征其私承嗣大夫彊易其賄布常無藝徵斂  
 無度宮室日更淫棄不葺內寵之妾肆奪于市  
 外寵之臣僭全於鄙私欲養求不給則應民人  
 苦病夫婦皆詛祝有益也詛不右損聊攝且東  
 姑尤以西其為人也多矣雖其善祝豈能勝億  
 兆人之詛君若欲誅於祝史修德而後可公說  
 使有司寬政毀廟去禁薄斂已責公疾愈○此  
 章與景公病久欲誅祝史且謝事志旨同但述  
 辭有首末之異故著于此篇

宮 營 精 居

意

景公見道殣自慙無德晏子諫第八  
景公賞賜及後宮文繡被臺榭菽粟食鳧鴈出  
而見殣謂晏子曰此何為而死晏子對曰此餓  
而死公曰嘻寡人之無德也甚矣對曰君之真  
著而彰何為無德也景公曰何謂也對曰君之  
德及後宮與臺榭君之玩物衣以文繡君之鳧  
鴈食以菽粟君之營內自樂延及後宮之族何  
為其無真顧臣願有諸于君申君之竟自樂之  
心推而與百姓同之則何殣之有若不推此而

著

苟營內好私使財貨衡有所聚菽粟幣帛腐於  
困府惠不遍加于百姓公心不周乎萬國則桀  
紂之所自亡也夫士民之所自叛由編之也君  
如察臣嬰之言推君之盛惠公布之于天下則  
湯武可為也一殣何足恤哉○此章與景公遊  
塞塗不邱死齒辭如相反而其旨實同故若於  
此篇

景公欲誅斷所愛橘者晏子諫第九

景公登善室而望見人有斷雍門之橘者公念

紘

吏拘之、顧謂晏子、趣誅之、晏子默然不對、公曰、  
雍門之櫛、寡人所甚愛也、此見斷之、故使夫子、  
誅之、默然而不應、何也、晏子對曰、嬰聞之、古者  
人君出則闢道十里、非畏也、冕前有旒、惡多所  
見也、纒絃、疏耳、惡多所聞也、泰帶重半、鉤舄履  
倍、重不欲輕也、刑死之罪、曰中之朝、君過之則  
赦之、嬰未嘗聞為人君而自坐其民者也、公曰、  
赦之、無使夫子復言、○此章與景公欲殺杞槐  
者、景公逐得斬竹事、悉同、但悉辭少異耳、故著

坐

於此篇

景公坐路寢曰、誰將有此晏子諫第十

景公坐於路寢曰、美哉其室、將誰有此乎、晏子  
對曰、其田氏乎、田無字為埤矣、公曰、然則柰何、  
晏子對曰、為善者、君上之所勸也、豈可禁哉、夫  
田氏國門擊柝之家、父以託其子、足以託其弟、  
於今三世矣、山木如市、不加于山、魚鹽麇唇不  
加于海、民財為之喘、今歲凶、飢蒿種芑、斂不半、  
道路有死人、齊舊四量而豆、豆四而區、區四而

木 葉

施 法 雖

釜釜十而鐘田氏四量谷加一焉呂家量貸呂  
公量收則所以糴百姓之死命者澤矣今公家  
驕法而田氏慈惠國澤是將焉歸田氏雖無真  
而施于民公厚斂而田氏厚施焉詩曰雖無真  
與汝式歌且舞田氏之施民歌舞之也國之歸  
焉不亦宜乎○此章與景公登路寢而嘆景公  
問後世有齊者叔向問齊國之若辭旨畧同而  
小異故著于此篇

景公臺成盆成造願合葬其母晏子諫而許

居

第十一

景公宿于路寢之宮夜分聞西方有男子哭者  
公悲之明日朝問於晏子曰寡人夜者聞西方  
有男子哭者聲甚哀氣甚悲是奚為者也寡人  
哀之晏子對曰西郭徒居布衣之士盆成造也  
父之孝子兄之順弟也又嘗為孔子門人今其  
母不幸而死附柩未葬家貧自老子孺恐力不  
能合柩是以悲也公曰子為寡人吊之因問其  
偏柩何所在晏子奉命徃吊而問偏之所在盆

成造再拜稽首而不起曰偏袒寄于路寢得為  
地下之臣擁札搽筆給事宮殿中右陛之下願  
呂某日送未得君之意也窮困無以圖之布啓  
枯舌焦心熱中今君不辱而臨之願君圖之鼻  
子曰然此人之甚重者也而恐君不許也盆成  
造蹙然曰仇在君耳且臣聞之越王好勇其民  
輕死楚靈王好細腰其朝多餓死人子晉忠其  
君故天下皆願得呂為子今為人子臣而離散  
其親戚孝乎哉足呂為臣乎若此而得袒是生

臣而安死毋也若此而不得則臣請輓尸車而  
寄之於國門外字溜之下身不敢飲食擁轅執  
輅木乾鳥栖祖肉暴骸以望君愍之賤臣雖愚  
竊意明君哀而不忍也晏子入復平公公忿然  
作色而怒曰子何必患若言而數寡人乎晏子  
對曰嬰聞之忠不避危受無惡言且嬰固呂雖  
之參今君管處為游觀既奪人有又禁其葬非  
仁也肆心傲聽不恤民憂非義也君何勿聽因  
道盆成造之辭公喟然太息曰悲乎哉子勿復

笑營  
傲

著

言、迺使胃子祖免、女子髮笄者、以百數、為田、以迎、盆成造、造脫衣、經、冠、條、纓、墨、綠、白、見、乎、公、公曰、吾聞之、五子不滿隅、一子可滿朝、非、迺、孫、耶、盆成造于是臨事不敢、受、奉事以禮、畢、出門、然後、舉、聲、焉、○此章與於何、請、合、葬、正、同、而、辭、者、異、故、於、此、篇、

景公、築、長、康、臺、晏子、舞、而、諫、第、十、二、

景公、築、長、康、之、臺、晏子、侍、坐、觴、三、行、晏子、起、舞、曰、歲、已、暮、矣、而、未、不、獲、忽、忽、矣、若、之、何、歲、已、寒、

禾  
獲

襟

矣、而、役、不、罷、悒、悒、矣、如、之、何、舞、三、而、涕、下、沾、襟、景公、慙、焉、為、之、罷、長、康、之、役、○此章與景公、為、長、康、欲、美、之、景公、冬、起、大、臺、之、役、辭、皆、同、而、小、異、故、著、於、此、篇、

景公、使、燭、鄒、主、為、而、亡、之、公、怒、將、加、誅、晏子

諫、第、十、三、

景公、好、弋、使、燭、鄒、主、為、而、亡、之、公、怒、詔、吏、殺、之、晏子、曰、燭、鄒、有、罪、三、請、數、之、以、其、罪、而、殺、之、公、曰、可、於是、召、而、數、之、公、前、曰、燭、鄒、汝、為、吾、君、主

殺恐教

鳥而亡之是罪一也、使吾君鳥之故殺人、是罪二也、使諸侯聞之、曰吾君重鳥、曰輕士、是罪三也、殺燭鄒罪已畢、請殺之、公曰、勿殺寡人、聞命夫、○此章與景公欲誅野人、景公欲殺圍人、章旨同而辭少異、故著於此篇、

景公問治國之患、晏子對曰、佞人、讒夫在君

側第十四

景公問晏子曰、治國之患、亦有常乎、對曰、佞人、讒夫之在、君側者、好惡良臣而行與小人、此國

笑

之長患也、公曰、讒佞之人、則誠不善矣、雖然則、豈曾為國常患乎、晏子曰、君以為耳目而好繆、事則是君之耳目繆也、夫上亂君之耳目、下使群臣皆失其職、豈不誠足患哉、公曰、如是乎、寡人將去之、晏子曰、公不能去也、公忿然作色、不說、曰、夫子何小寡人甚也、對曰、臣何敢搗也、夫能自周於君在、才能皆怙也、夫藏大不誠于中者、必謹小誠於外、以成其大不誠、**干**中者必謹小誠于外、**成**其大不誠、**入**則求君之嗜欲

能

者

能順之公怨良臣則具其往失而益之出則行  
威以取富夫何密近不為大利變而務與君至  
義有也此難得其知也公曰然則先聖奈何對  
曰先聖之治也審見賓客聽治不留曰不足群  
臣皆得畢其誠讒諛安得容其私公曰然則夫  
子切寡人止之寡人亦事勿用對曰讒夫侮人  
之在君側者若社之有鼠也謗言有之曰社鼠  
不可熏去讒侮之人隱君之威以自守也是難  
去焉○此章與景公問侮人之事若何如景公

問治國何患三章大旨同而辭步異故著於此  
篇

景公問後世孰將踐有齊者晏子對以田氏  
第十五

景公與晏子立曲潢之上望見齊國問晏子曰  
後世孰將踐有齊國者乎晏子對曰非賤臣之  
所敢議也公曰胡心然也得者無失則虞夏常  
存矣晏子對曰臣聞見不足曰知之者智也先  
言而後當者惠也夫智與惠君子之事臣竊足



曰 曰

以知之乎、雖然臣請陳其為政、君疆臣弱、政之本也、君唱臣和、教之隆也、刑罰在君、民之紀也、今夫田無字、二世有功于國、而利取分寡、公室兼之、國權專之、君臣易施、而無衰乎、嬰聞之、臣聞主亡、由是觀之、其無字之後、無幾齊國田氏之國也、嬰老不能待公之事、公若即世、政不在公室、公曰、然則奈何、晏子對其、維禮可以已之、其在禮也、家施不及國民、不懈、貨不移、工賈不變、士不溢、官不諂、大夫不取、公利、公用善、今知

禮之可以為國也、對曰、禮之可以為國也、久矣、與天地並立、君令臣忠、父慈子孝、兄愛弟敬、夫和妻柔、姑慈婦聽、禮之經也、君令而不違、厲臣忠而不二、父慈而教、子孝而箴、兄愛而友、弟敬而順、夫和而義、妻柔而貞、姑慈而從、婦聽而婉、禮之質也、公曰、善哉、寡人迺知禮之尚也、晏子曰、夫禮先王之所以臨天下也、君為其民是故尚之、○此章與景公坐路寢、問誰將有此景公問魯莒孰先亡、田問後世孰有齊國、晉叔向

問齊國若何之章會旨同而辭異故著於此篇

晏子使吳吳王問君子之行晏子對以不與

亂國俱滅第十六

晏子聘于吳吳王問君子之行何如晏子對曰

君頃懷之政治歸之不懷暴君之祿不居亂國

之位君子見死則退不與亂國俱滅不與暴君

借亡○此章與吳王問可處可去事旨既同但

辭有詳畧之異故著於此篇

吳王問齊君侵暴吾子何容焉晏子對曰豈

請

甚

能曰道食人第十七

晏子使吳吳王曰寡人得寄僻陋蠻夷之鄉希

見教君子之行諸私而無為罪晏子蹙然辟位

吳王曰吾聞齊君蓋賦曰侵鄙以暴吾子容焉

何其也晏子道而對曰臣聞之微事不通麀麀事

不能在必勞大事不得小事不為事必貧大者

不能致人小事不能至人之門者必因此臣之

所仕也如臣者豈能以道食人哉晏子出

王笑曰嗟乎今日吾議晏子嘗猶保而高極者

此言疑譬而下疑  
脫笑字

故

也。○此章與景公問天下之所以存亡。魯君問何事回曲之君三章或事異而辭同。或旨同而辭異。故著于此篇。

司馬子期問有不于君不恤民。取名者乎。晏子對曰。不仁也。第十八

司馬子期問晏子曰。士亦有不于君不恤民。徒辱無為而取名者乎。晏子對曰。嬰聞之。終足以瞻上益民而不為也。謂之不仁。不仁而取名也。嬰未得聞之也。○此章與叔向問徒處之義章

居

畧

旨同而有詳畧之異。故著于此篇。

高子問子事靈王。莊公。景公。皆敬子。晏子對以一心第十九

高子問晏子曰。子事靈王。莊公。景公。皆敬子。三君之心一耶。夫子之心三也。晏子對曰。善哉。問事君。嬰聞一心可以事百君。三心不可以事一君。故三君之心一也。而嬰之心三也。三心也。且嬰之於靈公也。盡復而不能立之政。所謂僅全其四支。臣從其君者也。及莊公。陳武夫尚勇力。

計

欲辟勝于邪而舉不能禁故退而整處嬰用之  
言不用者不受其祿不治其事者不與其難吾  
於莊公行之矣今之君輕國而主樂薄於民而  
厚于養籍歛過量使令過任而舉不能禁舉庸  
知其能全身以事君乎○此章與梁丘據問事  
三君不同心九子之齊不見晏子旨同而辭少  
異故著於此篇

晏子再治東阿上討景公迎賀晏子辭第 二

十

而過

甚

陂

後疑復

敘便權

晏子治東阿三年景公召而數之曰吾以子為  
可而使子治東阿今子治而亂子退而自察也  
寡人將加大誅於子晏子對曰臣請改道易行  
而治東阿三年不治臣請死之景公許於是明  
年上計景公迎而賀之曰其善矣子之治東阿  
也晏子對曰前臣之治東阿也屬託不行貨賂  
不至陂池之魚以利貧民當此之者民無飢君  
反以罪臣今臣後之東阿也屬託行貨賂至并  
重賦歛倉庫少內使事左右陂池之魚入于權

便

故

宗當此之吉。飢者過半矣。君迺及迎而賀。臣愚不能復治東阿。願乞骸骨。避賢者之路。再拜使辟。景公迺下席而謝之。曰：子彊復治東阿。東阿者。子之東阿也。寡人無復與焉。○此章與晏子再治阿而見信。景公任以國政。章旨同而述辭少異。改著于此篇。

太卜給景公能動地。晏子知其妄。使卜自曉。

公第二十一

景公問太卜曰：汝之道何能對？曰：臣能動地。公

四

召晏子而告之。曰：寡人問太卜曰：汝之道何能對？曰：能動地。地可動乎？晏子默然不對。出見太卜曰：昔吾見鉤星在日心之間。地其動乎？太卜曰：然。晏子曰：吾言之。恐子死之也。默然不對。恐君之惶也。子言君臣俱得焉。忠於君者。豈必傷人哉？晏子出。太卜走入。見公曰：臣非能動地。地固將動也。陳子陽聞之曰：晏子默而不對者。不欲太卜之死也。往見太卜者。恐君之惶也。晏子仁人也。可謂忠上而惠下也。○章與柏常騫禳

章上疑脫此字

召

鳥死將為公請壽。晏子識其妄，章旨同而辭異。故著于此篇。

有獻書譜晏子退耕而國不治，復召晏子第

二十二

晏子相景公，其論人也見賢而進之，不同君所欲見不善則廢之，不辟君所愛，行己而無私，直言而無諱，有納書者曰：廢置不因於君前，謂之專。出言不諱於君前，謂之易。專易之行存則君臣之道廢矣。吾不知晏子之為忠臣也，公以為然。

謂下脫之

諸

晏子入朝，公色不悅。故晏子歸，備載使人辭曰：嬰故老，恃無功，毋敢服壯者事，辭而不為。臣退而窮處，東耕海濱，堂下生藜藿，門外生荆棘。七年，燕魯分爭，百姓惶亂，而家無積，公自治國，權輕諱，侯身弱，高國公恐，復召晏子。晏子至，公一歸七年之祿，而家無藏。晏子立，侯諸忘其威，高國服其政，燕魯貢職，小國皆朝。晏子沒而後衰。○此章與景公惡故人，晏子退章旨同，叙事女異，故著于此篇。

晏子使高糾治家三年而未嘗弼過逐之第

二十三

晏子使高糾治家三年而辭焉。僨者諫曰：高糾之事夫子三年，曾無以爵位而逐之，敢請其罪。晏子曰：若夫方立之人，維聖人而已。如舉者及陋之人也。若夫左舉右舉之人，不舉曰維將不。正。今此子事吾三年，未嘗弼吾過也。吾是以辭之。○此章與景公欲見高糾章旨同而辭少異。故著於此篇。

凡疑

景公稱桓公之封管仲益晏子邑，辭不受。第

二十四

景公謂晏子曰：昔吾先君桓公，予管仲孤與穀，其縣十七，著之于帛，申之以策，通之諸侯，以為其子孫賞邑。寡人不足，且辱而先君。今為夫子賞邑，通之子孫。晏子辭曰：昔聖王論功而賞賢，賢者得之，不肖者失之。御德修禮，無有荒怠。今事君而免于罪者，其子孫宜與焉。若為齊國大夫者，必有賞邑，則齊君何以共其社稷與諸

政疑切

肖

第當矣

侯幣帛嬰請舜遂不受。○此章與景公致千金而晏子固不受使田無宇致封邑晏子辭章旨悉同而辭少異故著于此篇。

景公使梁丘據致千金之裘晏子固辭不受

第二十五

景公賜晏子狐之白裘玄豹之裘其贊千金使梁丘據致之晏子辭而不受三反公曰寡人有此二將欲服之今夫子不受寡人不敢服與其困而之豈如弊之身乎晏子曰君就賜使嬰倍

百官之政君服之上而使嬰服之于下不可以為教同舜而不受。○此章與景公使梁丘據遺之車馬三返不受章旨同而事少異故著于此篇。

晏子衣鹿裘以朝景公嗟其貧晏子稱有飾

第二十六

晏子相景公布衣鹿裘以朝公曰夫子之家若此其貧也是奚衣之惡也寡人不知是寡人之罪也晏子對曰嬰聞之蓋顧人而後衣食者不



以貪味為非。蓋顧人而後行者。不曰邪辟為累。嬰不肖。嬰之族不如嬰也。待嬰以祀其先人者。五百家。嬰又得布衣鹿裘而朝。於嬰不有飾乎。再拜而辭。○此章與陳無宇請浮晏子。景公睹晏子之食而嗟其貧。章旨同而辭少異。故著于此篇。

仲尼稱晏子行補三君而不有果君子也第

二十七

仲尼曰。靈公汙。晏子事之以整齊。莊公壯。晏子

事之。呂宣武。景公奢。晏子事之。呂恭儉。君子也。相三君而善不通下。晏子細人也。晏子聞之。見仲尼曰。嬰聞君子有譏於嬰。是以來見。如嬰者。豈能以道食人者哉。嬰嬰宗族待嬰而祀其先人者。數百家。與齊國之間士待嬰而舉火者。數百家。臣為此仕者也。如臣者。豈能以道食人者哉。晏子出。仲尼送之。以賓客之禮。再拜其辱。反命。門弟子曰。救民之姓而不夸。行補三君而不有。晏子果君子也。○此章與仲尼之齊不見晏

子魯君問何事曰曲之君章音回而迷辭少異故著於此篇

晏子春秋外篇重而異者第七終

晏子春秋外篇不合經術者第八十九十八章

仲尼見景公景公欲封之晏子曰為不可

第一

景公上路寢聞哭聲問梁丘據晏子對第

二

仲尼見景公景公曰先生奚不見寡人宰

宰第三

仲尼之齊見景公而不見晏子子貢致向

第四

願

景公出田顧問晏子若人之衆有孔子乎

第五

仲尼相魯景公患之晏子對以勿憂第六

景公問有臣有足弟而強足恃乎晏子對

不足恃第七

景公游樂出少樂請晏子一顧第八

景公為大鐘晏子與仲尼相常騫知將毀

第九

田無宇非晏子有老妻晏子對以去老謂

殺

之亂第十

工女欲入身于晏子晏子辭不受第十一

景公欲誅羽人晏子以為瀆不宜法第十

二

景公謂晏子東海之中有水而赤晏子詳

對第十三

景公問天下有極大極細晏子對第十四

莊公圖莒國人擾紹曰晏子在迺止第十

五

晏子死景公馳往哭哀畢而去第十六  
晏子死景公哭之稱莫復陳吾過第十七  
晏子歿左右諛弦章諫景公賜之魚第十

八

仲尼見景公景公欲封之晏子以為不可第

一

仲尼之齊見景公景公說之欲封之以再稽也  
吉晏子對曰不可彼浩裾自順不可且教  
下好樂後於民不可使親治立命而違事不可

建

博  
儀  
曰

守職厲墜破民貧國久喪道衰費日不可使子  
民行之難者在內而傳者無其外故異于股勉  
于容不可以道衆而制百姓自大賢之滅周室  
之早也威儀加多而民行滋薄擊樂繁充而世  
真滋衰今孔子盛聲樂以後世飾弦歌鼓舞以  
聚徒繁登降之禮趨翔之節且觀衆傳學不可  
且優世勞思不可補民第壽不能殫其教當年  
不能究其禮積財不能贍其衆繁飾邪術以營  
世君盛為擊樂以誑愚其民也不可以示其教

也。不可曰尊民。今欲封之以移齊國之俗。非所以尊衆存民也。公曰善。于是厚其禮而留其敬。見不問其道。仲尼迺行。○此并下五章皆毀詆孔子。殊合經術。故著於此篇。

景公上路寢。聞哭聲。問梁丘據。晏子對。第二。景公上路寢。聞哭聲。曰。吾若聞哭聲。何為者也。梁丘據對曰。魯孔丘之徒。鞠語者也。明於禮樂。審於服喪。其毋死。莖埋甚厚。服喪三年。哭泣甚疾。公曰。豈不可哉。而色悅之。晏子曰。古者聖人

非不知能繁登降之禮。制規矩之節。行表綴之數。以教民。曰為煩人。留日。故制禮不羨於使事。非不知能揚于戚。鐘鼓竿瑟以勸衆也。以為費財留工。故制棄不羨于和民。非不知能崇世殫國以奉死。哭泣處哀以持久也。而不為者。知其無補死者而深害生者。故不以尊民。今品人飾禮。煩事羨棄。漢民崇死。曰害生。三者聖王之所禁也。賢人不用。真毀俗流。故三邪得行。于是非賢不肖。雜上妄說邪。故好惡不足以尊衆。此

三者路世之政單事之教也。公曷為不察聲受而色悅之。

仲尼見景公。景公曰：先生奚不見寡人宰乎？

第三

仲尼游齊。見景公。景公曰：先生奚不見寡人宰乎？仲尼對曰：臣聞晏子事三君而得順焉。是有三心，所以不見也。仲尼出，景公以其言告晏子。晏子對曰：不然。嬰為三心，三君為一心，故三君皆欲其國之安，是以嬰得順也。嬰聞之，是而非

之非而是之，猶非也。孔丘必據處此一心矣。

仲尼之齊，見景公而不見晏子。子貢曰：見者不

四

見其從政者可乎？仲尼曰：吾聞晏子事三君而順焉。吾疑其為人。晏子聞之曰：嬰則齊之世民也，不維其行，不識其過，不能自立也。嬰聞之，有幸見愛，無幸見惡。誹譽為類，聲響相應，見行而從之者也。嬰聞之以一心事三君者，所以順焉。

君

焉

曰三心事一君者不順焉。今未見嬰之行而非其煩也。嬰聞之。君子獨立不慙于影。獨寢不慙於鬼。孔子拔樹削跡。不自以為辱。窮陳蔡。不自以為約。非人不得其故。是指澤人之非介斧。山之非網罟也。出之其口。不知其困也。始吾望傳而責之。今吾望傳而疑之。仲尼聞之曰。詔有之言發於爾。不可止於遠也。行存於身。不可掩於衆也。吾竊議晏子而不中。夫人之過。吾罪哉矣。立聞君子過人以為友。不及人。君為師。今立

矣。言於夫子。議之。是吾師也。因宰我而謝焉。然仲尼見之。

景公出田。顧問晏子。若人之衆。有孔子乎。第

五

景公出田。寒。故以為彈。猶顧而問晏子曰。若人之衆。則有孔子焉乎。晏子對曰。有孔子焉。則無有若舜焉。則嬰不識。公曰。孔子之不逮舜。為何矣。曷為有孔子焉。則無有若舜焉。則嬰不識。晏子對曰。是迺孔子之所以不逮舜。孔子行一節

者也。處民之中，其過之識，况乎虎君之中乎？舜者民處之中，則自齊乎士。處君子之中，則齊乎君子。上與聖人則固聖人之林也。此迺孔子之所曰不逮舜也。

仲尼相魯，景公患之。晏子對以勿憂第六。仲尼相魯，景公患之，謂晏子曰：「隣國有聖人，敵國之憂也。今孔子相魯，若何？」晏子對曰：「君其勿憂。彼魯君弱主也。孔子聖相也。君不如陰重孔子，設以相齊。孔子強諫而不聽，必驕魯而有齊。」

故

君勿納也。夫絕於魯，無主于齊。孔子困矣。居暮年，孔子去魯之齊，景公不納，敢困於陳蔡之間。○此上五章皆毀訛孔子，而此章後稱為聖相。設相齊以孔子似非乎。仲尼之所宜，故著於此篇。景公問有臣有兄弟而強足恃乎？晏子對曰：

足恃第七

景公問晏子曰：「有臣而強足恃乎？」晏子對曰：「不足恃。有兄弟而強足恃乎？」晏子對曰：「不足恃。公怠然作色曰：『吾今有恃乎？』晏子對曰：『有臣而強。」



請

無甚如湯有兄弟而強無甚如桀湯有桀其君  
桀有亡其兄豈以人為足恃哉可以無亡也○  
此章與景公問臣年兄弟之強而晏子對曰湯  
桀無以垂訓故著於此篇

景公遊牛山少樂請晏子一願第八

景公遊于牛山少樂公曰請晏子一願晏子對  
曰不娶何願公曰晏子一願對曰臣願有君而  
見畏有妻而見歸有子而可遺公曰善晏子  
之願載一願晏子對曰臣願有君而明有妻而

有

材家不貧有良隣有君而明日順嬰之行有妻  
而材則使嬰不忘家不貧則不愠朋友所識有  
良隣則日見君子嬰之願也公曰善乎晏子之  
願也晏子對曰臣願有君而可輔有妻而可去  
在子而可怒公曰善乎晏子之願也此章載晏  
子之願如此無以垂訓故著於此篇

景公為大鐘晏子與仲尼相常騫知將設筭

九

景公為大鐘將懸之晏子仲尼相常騫三人朝

俱曰鐘將毀之。衛。果毀。公召三子者而問之。晏子  
曰鐘大不祀先君而臣燕非禮。是以曰鐘將毀。  
仲尼曰鐘大而懸下。衡之其氣下回而下薄。是  
以曰鐘將毀。栢常審曰。今庚申雷日也。音莫勝  
故雷。是以曰鐘將毀也。○此章與景公為泰呂  
成將燕。卿。晏子諫章。音同而尤道怪。故著于此  
篇。

田無宇非晏子有老妻。晏子對以去老謂之  
亂第十

內 譏

田無宇見晏子。獨立於閨內。有婦人出於室者。  
髮班白。衣緇布之衣。而無裒裘。田無宇識之。曰。  
出於室為何者也。晏子曰。嬰之家也。無宇曰。位  
為中卿。田七十萬。何。曰。老為專。對曰。嬰聞之。去  
老者謂之亂。紉少者謂之淫。且夫見色而忘義。  
處富貴而失倫。謂之逆道。舉可以有淫亂之行。  
不顧于倫。逆古之道乎。○此章與景公以晏子  
妻老欲納。受女音同而事異。陳無宇雖至凡品。  
亦未應曰。是謂晏子。沒非晏子者。將納其說。見

棄專手無呂垂訓故著于此篇

士女欲入身於晏子晏子辭不受第十一  
有工女訛於晏子之家焉者日婢妾在廊之野  
人也願得入身此數於下陳焉晏子曰乃今日  
而後自知吾不肖也古之為政者士農工商異  
居男女有別而不通故士無邪行女無淫事今  
僕訛國主民而女欲犇僕僕必色見而行無廉  
也遂不見○此章與犯傷槐之令者女求入晏  
子家事同而辭略且無凶而至故著于此篇

景公欲誅羽人晏子以為法不宜殺第十二  
景公蓋妓有羽人視景公僭者公謂左右曰問  
之何視寡人之僭也羽人對曰言亦死而不言  
亦死竊妓公也公曰合色寡人也殺之晏子不  
時而入見曰蓋聞君有所怒羽人公曰然色寡  
人故將殺之晏子對曰嬰聞拒欲不道惡受不  
祥雖使色君於濫不宣殺也公曰惡然乎著使  
沐浴寡人將妓抱背○此章不典無以垂訓故  
著于此篇

景公謂晏子東海之中有水而赤晏子詳對

第十三

萃

景公謂晏子曰東海之中有水而赤其中者棗葉而不實何也晏子對曰昔者秦繆公乘龍而理天下以黃布裹絜棗至東海而指其布彼黃布故水赤絜棗故華而不實公曰吾詳問子何為對曰嬰聞之詳問者亦詳對之也○此并下

一章語數俳而義無所取故著於此篇  
景公問天下有極大極細晏子對第十四

問

咏頌

於

真

圖 紹疑給地

問

景公問晏子曰天下有極大乎晏子對曰有足游浮雲背凌蒼天尾偃天間躍喙北海頭尾啜於天地乎然而膠膠不知六翮之所在公曰天下有極細乎晏子對曰有東海有蠱巢然蠱睫再乳再飛而蟲不為敬焉臣嬰不知其名而東海漁者命曰焦宣

莊公圓莒國人擾紹以晏子在廼止第十五  
莊公闔門而圖莒國人以為有亂也皆操長兵而立於闔公召雖休相而問曰寡人闔門而圖

請 操

非 信

故

莒國人曰為有亂皆操長兵而立于衢回柝何  
休相對曰誠無亂而國曰為有則仁人不存諸  
令于國言晏子之在也公曰諾以令於國此謂  
國有亂者晏子在焉然後皆散兵而歸君子曰  
夫行不可不務也晏子存而民心安此一日之  
所為也所以見於前伯於後者是以晏子立人  
臣之位而安萬民之心○此章特以晏子而紹  
國人放著于此篇

晏子死景公馳哭往哀畢而去第十六

繁 速

怨 今

景公游於菑聞晏子死公乘侈輿服幣驅之  
而因為遲下車而趨知不若車之趨則又乘比  
至於國者四下而趨行哭而往伏戶而號曰子  
大夫日夜責寡人不遺尺寸寡人猶且淫泆而  
不叔然罪重積千百姓今天降禍於齊不加于  
寡人而加於夫子齊國之社稷危矣百姓將誰  
咎夫○此并下二章皆晏子死後景公追懷之  
言故著于此篇

晏子死景公哭之稱莫復陳告吾過第十七


聽

質 弦

篇

晏子死。景公操玉加於晏子而哭之。涕沾襟。章子諫曰：非禮也。公曰：安用禮乎？昔者吾與夫子遊於公邑之上，一日而三不疏寡人，今其孰能然乎？吾失夫子則亡，何禮之有？免而哭，哀盡而去。

晏子没左右諛，強章諫。景公賜之魚，第十八。晏子没十有七年，景公飲諸大夫酒，公射出進堂上，唱善若出一口，公作色太息，播弓矢，強章入，公曰：善哉！



外通第八終

